

**Uunga siunnersuut:**

**Isumaginnittoqarfiup aqunneqarnera aaqqissuussaanelu pillugit Inatsisartut peqqussutaata allangortinneqarnissaa pillugu Inatsisartut inatsisaat, Inissianik attartortitsisarneq pillugu Inatsisartut peqqussutaat pillugu Namminersorlutik Oqartussat nalunaarutaanik allangortitsineq, Unammilleqatigiinneq pillugu Inatsisartut inatsisaanik allangortitsineq, Siusinaartumik pensionisiat pillugit Inatsisartut inatsisaanik allangortitsineq, Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaanik allangortitsineq, aamma Pinnngortitamik illersuineq pillugu Inatsisartut inatsisaanik allangortitsineq**

(Maalaaquteqartarfiit suleriesai pillugit inissiineq pillugu maleruagassanik allannguuteqarneq)

**§ 1**

Isumaginnittoqarfiup aqunneqarnera aaqqissuussaanelu pillugit Inatsisartut peqqussutaanni nr. 11 12. november 2001-imeersumi Inatsisartut inatsisaat nr. 14, 6. juni 2016-imeersumi aamma Inatsisartut inatsisaat nr. 47, 23. novembari 2017-imeersumi allangortinneqartumi, ataani allanneqartut makku allangortinneqassapput:

1. § 9, imm. 8, imatut oqaasertalerneqarpoq:

” *Imm. 8.* Naalakkersuisut siusinaartumik pensionisiaqartitsisarnermi maalaaruteqartarnerni isu-masioqatigiit suleriaasissaanut tunngasut maleruagassiornissaat suliarissavaat, siunnersuisoqa-tigiinnullu ilaasortat pineqartup siulittaasuanit innersuussisoqarnera naapertorlugu qinigaaffi-up naanissaa sioqqullugu soraarsitsisinnaassallutik aammalu siunnersuisoqatigiinni ilaasortat akissaatit pillugit aalajangersaasassallutik.”

2. § 9-mi imm. 10-tut ilanngunneqarpoq:

” *Imm. 10.* Isumaginninnermi Naammagittaalliuuteqartarfiup nammineq suleriesissani inississavaa.”

**§ 2**

Inissianik attartortitsisarneq pillugu Inatsisartut peqqussutaat nr. 2, 12. maaji 2005-meersumi, tak. Inatsisartut peqqussutaat pillugu Namminersorlutik Oqartussat nalunaarutaat nr. 52, 17. oktobari 2023-meersumi ataani allanneqartut allangortinneqarput:

1. § 83, imm. 3, atorunnaassaaq.

Tamatuma kingorna imm. 4-6 allanngortinneqassapput imm. 3-5-nngorput.

2. § 83, imm. 6, § 83, imm. 5-itut allanngortinneqartoq, imatut oqaasertalerneqassaaq:  
” *Imm. 5.* Naalakkersuisut aalajangiisartut suleriesaannut maleruagassat inississavaat. ”

3. § 83, imm. 6, imm. 5-inngortussaq ima oqaasertaliorneqarpoq:  
” *Imm. 6.* Ineqarneq pillugu Maalaaruteqarfiup suleriesissani nammineq inississavaa.”

### § 3

Unammilleqatigiinneq pillugu Inatsisartut inatsisaat nr. 1, 15. maaji 2014-imeersumi, tak. Namminersorlutik Oqartussat nalunaarutaat nr. 2, 26. marsi 2021-meersumi allaqqasut ima allanngortinneqassapput:

1. § 26, imm. 3, ima oqaasertaliorneqassaaq:  
” *Imm. 3.* Naalakkersuisut ataani allaqqasunut malittarisassaliussapput:  
1) Unammilleqatigiinnermut Ataatsimiititaliap suleriesissaa.  
2) Atuisoqarnermut Unammilleqatigiinnermullu Aqutsisoqarfiup suleriesissaa.  
3) Unammilleqatigiinnermut Ataatsimiititaliap ilaasortasaanik innersuussineq toqqaanerlu.  
4) Aalajangiisartut siulittaasuata innersuussuteqarnerata kingorna unammilleqatigiinnermut ataatsimiititaliap ilaasortaanik soraarsitsineq.  
5) Unammilleqatigiinnermut Ataatsimiititaliami ilaasortat Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisaat naapertorlugu Unammilleqatigiinnermut Ataatsimiititaliap ilaasortaanik aningaasarsiaqartitsineq. ”

2. § 26 imm. 4-tut ilanngunneqassaaq:  
” *Imm. 4.* Unammilleqatigiinnermut Ataatsimiititaliap suleriesissani nammineq inississavaa.”

### § 4

Siusinaartumik pensionisiat pillugit Inatsisartut inatsisaat nr. 40, 9. decembari 2015-imeersumi, tak. Namminersorlutik Oqartussat nalunaarutaat nr. 41, 14. septembari 2023-meersoq, ataani allaqqasut allanngortinneqarput:

1. § 10, imm. 2 ima oqaasertaliorneqassaaq:  
” *Imm. 2.* Naalakkersuisut Siusinaartumik pensionisiaqarneq pillugu Naammagittaalliuuteqartarfiup sulinissaanut, kiffartuussinikkut anguniagassaanut, piffissamilu atuuffiusumi naammagittaalliuuteqartarfiup siulittaasuanit innersuussisoqareerneratigut naammagittaalliuuteqar-

tarfiup ilaasortaasa soraarsinneqartarnissaat pillugit kiisalu naammagittaalliuuteqartarfiup ilaasortaanik akissarsisitsisarnissaq pillugu maleruagassanik aalajangersaassapput.”

2. § 10-mi imm. 3-tut inissinneqassaaq:

” *Imm. 3.* Siusinaartumik pensionisiaqarneq pillugu naammagittaalliuuteqartarfiup suleriesissani nammineq inississavaa.”

## § 5

Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaat nr. 7, 12. juuni 2019-imeersumi ataani allanneqartut allanngortinneqassapput

1. § 3, imm. 2, imatut oqaasertalerneqarpoq:

” *Imm. 2.* Pisortat Pisiortortarneranni Neqerooruteqartitsinermi Maalaaruteqartarfiup suleriesissani nammineq inississavaa.”

## § 6

Pinngortitamik illersuineq pillugu Inatsisartut Inatsisaat nr. 29, 18. decembari 2003-meersumi ataani allanneqartut allannguutigineqassapput:

1. § 58-imi imm. 2-tut inissinneqassaaq:

” *Imm. 2.* Pinngortitap illersorneqarnera pillugu Naammagittaalliuuteqartarfiup suleriesissani nammineq inississavaa.”

## § 7

Inatsisartut Inatsisaat ulloq 1. januaari 2025-mi atuutsinneqalissaaq.

*Imm. 2.* Peqatigitillugu nalunaarutit uku atorunnaarsinneqassapput:

- 1) Ineqarneq pillugu maalaaruteqartarfiup sulineru pillugu Namminersornerullutik Oqartussat nalunaarutaat nr. 27, 26. novembari 2008-meersoq.
- 2) Unammilleqatigiinnermut Ataatsimiititaliap suleriaasissaa taassumalu suliasai pillugit Namminersorlutik Oqartussat nalunaarutaat nr. 12, 23. juuli 2015-imeersoq.
- 3) Siusinaartumik pensionisiaqarnermut maalaaruteqartarfik pillugu Namminersorlutik Oqartussat nalunaarutaat nr. 25, 28. oktobari 2016-imeersoq.
- 4) Pinngortitap illersorneqarnera pillugu naammagittaalliuuteqartarfik pillugu Namminersornerullutik Oqartussat nalunaarutaat nr. 6, 12. februaari 2009-meersoq.

*Namminersorlutik Oqartussat, ulloq xx.xx 2024*

Naalackersuisut Siulittaasuat